

Xi³ ti¹tjon² xon⁴ xi³ pa²stro⁴ Juan qui³squi³-le⁴ nca³ts⁷i³

Je² en¹ xi³ tsjoa¹ cjoa⁴vi³jna³chon³

1 Je² xi³ ti¹jna³ sa³⁷nta³
nca³ to²ts⁷in³-le⁴ cjoa⁴,
xi³ qui³no²⁷yai²⁴.jin⁴, xi³
xcoin³⁴.jin⁴ tsa³⁷ya³-ni³jin⁴, xi³
qui³cho²tsen³-lai⁴jin⁴, xi³ ntsai⁴-
jin⁴ qui³ni²cao⁴-ni³jin⁴, xi³ t⁷a³ts⁷e⁴
je² en¹ xi³ tsjoa¹ cjoa⁴vi³jna³chon³
nca³ntsai². ²(Je² cjoa⁴vi³jna³chon³-
ve⁴ coan³tsen³-ni¹. Tsa³⁷yai³⁴.jin⁴.
Jin⁴ ni¹⁴.jin⁴ testigo, v⁷ai²⁴.jin⁴
en¹, c⁷oa⁴ v⁷ai²⁴.jin⁴ cjoa⁴qui²xi⁴
xi³ t⁷a³ts⁷e⁴ je² cjoa⁴vi³jna³chon³
nca³ntsai²-ve⁴ xi³ ti¹jna³t⁷a³-le⁴
N⁷ai³-na¹, xi³ coan³tsen³-na³jin⁴.) ³Je²
xi³ tsa³⁷yai³⁴.jin⁴ xi³ qui³no²⁷yai²⁴.
jin⁴, je²-vi⁴ xi³ c⁷oa⁴-ti⁴s⁷in²
no²cjoa⁴ya³jin³-lai²⁴jin⁴, jme¹-ni³
nca³ c⁷oa⁴-ti⁴ jon² coi⁴yo³cjao³-si¹nio³
cao⁴ jin⁴.jin⁴. Xi³ ña³qui³ cjoa⁴qui²xi⁴
jin⁴.jin⁴ ti³yo³cjoai³⁴.jin⁴ N⁷ai³-
na¹ cao⁴ ⁷nti¹-le⁴ Jesucristo. ⁴Je²
cjoa⁴-vi⁴ c⁷oa⁴-s⁷in² chji³-lai²⁴jin⁴,
jme¹-ni³ nca³ coan⁴tse³ya³-si¹ni³
cjoa⁴tsjoa³-no³.

Je² Ni³na¹ xi³ si¹⁷i³sen³

⁵Je² cjoa⁴qui²xi⁴ je²-vi⁴
xi³ qui³no²⁷ya²-lai⁴jin⁴, xi³
no²cjoa⁴ya³jin³-lai²⁴jin⁴ nca³ jon². Je²

Ni³na¹ xi³ si¹⁷i³sen³, tsin² cjoa⁴njon²-
jin² xi³ ts⁷e⁴ ni⁴⁷i⁴tse¹-jin². ⁶Tsa² ña¹
xi³ c⁷oa⁴coi⁴xoan¹ nca³ ti³yo³cjoa³²
cao⁴ je², c⁷oa⁴ to⁴ya⁴-ni¹ jña³ nca³
njion² ma³nquian¹, to⁴v²e²nti³soa³².
Li²coi³-ni³ cjoa⁴qui²xi⁴ xi³ n⁷ian².
⁷C⁷ia⁴ tsa² jña³ nca³ i³sen³
ma³nquian¹, jo³-s⁷in² jña³ nca³
i³sen³ ti¹jna³ nca³ je², c⁷oa⁴-
s⁷in² ti³yo³cjoa³² xi²nquia⁴², c⁷oa⁴
njin¹-le⁴ Jesucristo ⁷nti¹-le⁴ Ni³na¹
si¹tsje³ya³-na¹ nca³yi³je³ je¹-na¹.
⁸Tsa² c⁷oa⁴coi⁴xoan¹ nca³ tsin²-
na¹ je¹, ti⁴ña¹ ch⁷a²na⁴cha⁴-ni³le⁴²
yao³-na¹. Tsin²-na¹ xi³ cjoa⁴qui²xi⁴.
⁹Tsa² ni²qui²xi⁴ya³nta³² je¹-na¹,
Ni³na¹ n⁷ion¹t⁷a³con³, c⁷oa⁴ tjin¹-
le⁴ cjoa⁴qui²xi⁴, si¹cha³t⁷a³ je¹-na¹,
c⁷oa⁴ si¹tsje³-na¹ nca³yi³je³ xi³ li²coi³
nta³ tjin¹. ¹⁰Tsa² c⁷oa⁴coi⁴xoan¹ nca³
li²coi³ tsa³qui³jncha³² je¹, Ni³na¹
ch⁷a³sje³nti³soa³². Je² en¹-le⁴ li²coi³
v⁷e²j³in³ta³coan³².

Cristo je¹ntjai²-na¹ coan³-le⁴

2 Nca³ts⁷io³ ⁷nti¹x³ti³-na⁴, je²
cjoa⁴-vi⁴ cji³-no³, jme¹-ni³ nca³
tsi² coi⁴j³nchi³-si¹nio³ je¹. Tsa² j³nc³
xi³ tsa³j³nqui³ je¹, ti¹jna³j³nc³-na¹ xi³
fa³j³in³-na¹ nqui³xcon⁴ N⁷ai³-na¹, je²
Jesucristo xi³ tjin¹-le⁴ cjoa⁴qui²xi⁴.

2Ti⁴je²-ni³ je¹ntjai²-na¹ coan³-le⁴, nca³ tsa³cja³⁷a¹xin² je¹-na¹. A³li² tsa² to⁴tsan⁴²-jian² je¹, to⁴nca³ c⁷oa⁴²-ti⁴ ts⁷e⁴ nca³ts⁷i³ cho⁴ta⁴son³⁷nte³. 3Coi³ ⁷ya³-nia¹ nca³ tsa³⁷ya³² nca³ je², tsa² ni²cji³tjo³soan² cjoa⁴te¹xo³ma³-le⁴. 4Je² xi³ c⁷oi⁴tso²: An³-vi⁴ tsa³⁷ve³ nca³ je², c⁷oa⁴ li²coi³ si¹cji³tjo³son² cjoa⁴te¹xo³ma³-le⁴, je² cjai¹nca³ nti³so³. Tsin²-le⁴ cjoa⁴qui²xi⁴-jin² nca³ je². 5To⁴nca³ je² xi³ si¹cji³tjo³son² en¹-le⁴, ña³qui³ coan³jnc³j³in³ ni⁴ma⁴-le⁴ cjoa⁴tjao²cha³-le⁴ Ni³na¹. Coi³ cjoa⁴ nca³ ⁷ya³-nia¹ nca³ je² ti³yo³coa⁴². 6Je² xi³ tso² nca³ ti¹jna³cao⁴ Jesucristo, ma³chjen¹ nca³ c⁷oa⁴-s⁷in² c⁷oa¹mjen³, jo³-s⁷in² tsa³c⁷a³mjen³ nca³ je².

Je² cjoa⁴te¹xo³ma³ cho⁴tse⁴

7Nca³ts⁷io³ ²nti¹nts⁷e³, li²coi³ cji³-no³ cjoa⁴te¹xo³ma³ cho⁴tse⁴, to⁴je² cjoa⁴te¹xo³ma³ jchi¹nca³ xi³ ti¹jna³-no³ sa³⁷nta³ nca³ coan³cjain¹ ti¹tjon²-no³. Je² cjoa⁴te¹xo³ma³ jchi¹nca³ je² en¹ xi³ qui³no²⁷yao²³ jo³ sa³⁷nta³ nca³ ti¹tjon². 8Nqui²jnc³c⁷a² cji³-nca¹ni³no³ cjoa⁴te¹xo³ma³ cho⁴tse⁴, xi³ cjoa⁴qui²xi⁴ xi³ t⁷a³ts⁷e⁴, c⁷oa⁴ xi³ t⁷a³tsaon⁴³. Je² xi³ cjoa⁴njion² ti¹fa³⁷a³to³, c⁷oa⁴ je² xi³ ña³qui³ l⁷i¹ je³si¹⁷i³sen³. 9Je² xi³ tso² nca³ i³sen³ ti¹jna³, c⁷oa⁴ ch⁷ao³que³ nts⁷e⁴, je²-vi⁴ tji¹njion²-sa³le⁴. 10Je² xi³ tjao²que³ nts⁷e⁴ i³sen³ntsjai²-le⁴, c⁷oa⁴ li²coi³ tj¹n¹-le⁴ jme³ xi³ si¹qui³tson¹. 11To⁴nca³ je² xi³ ch⁷ao³que³ nts⁷e⁴ njion² jña³ nca³ ti¹jna³, c⁷oa⁴ ña³qui³ njion² ntia⁴²-le⁴. Li²coi³ ve³ jña³ fi². Je² cjoa⁴njion² tsa³c⁷e¹chjoa² xcon⁴. 12C⁷oa⁴-s⁷in² cji³-no³ nca³ jon², ²nti¹x³ti³-na⁴, nca⁴ je² je¹-no³ qui³cha³t⁷a³-no³

xi³ to⁴t⁷a³ts⁷e⁴ jan³⁷ain¹-le⁴ Cristo. 13C⁷oa⁴-s⁷in² cji³-no³ nca³ jon² xi³ n⁷ai³ ⁷mi²-no³, nca⁴ tsa³⁷ya³-nio¹³ je² xi³ ti¹jna³ sa³⁷nta³ nca³ to²ts⁷in³-le⁴ cjoa⁴. C⁷oa⁴-s⁷in² cji³-no³ nca³ jon² xi³ xti³x⁷ion⁴³, nca⁴ jon² qui³ni²qui³njen³-lao⁴³ je² nai⁴². C⁷oa⁴-s⁷in² cji³-no³ nca³ jon², ²nti¹x³ti³, nca⁴ tsa³⁷ya³-nio¹³ N⁷ai³-na¹. 14C⁷oa⁴-s⁷in² qui³squi³-no³ nca³ jon² xi³ n⁷ai³ ⁷mi²-no³, nca⁴ tsa³⁷ya³-nio¹³ je² xi³ ti¹jna³ sa³⁷nta³ nca³ to²ts⁷in³-le⁴ cjoa⁴. C⁷oa⁴-s⁷in² qui³squi³-no³ nca³ jon² xi³ xti³x⁷ion⁴³, nca⁴ tj¹n¹-no³ nca³n⁷ion¹, c⁷oa⁴ je² en¹-le⁴ Ni³na¹ s⁷e³j³in³ntsjai²-no³, c⁷oa⁴ qui³ni²qui³njen³-lao⁴³ je² nai⁴². 15A³li² je²-j²in² ni²me³ta³con²³ son³⁷nte³, ni⁴ nca³yi³je³ jña³-le⁴ xi³ chon³ son³⁷nte³. Tsa² jnc³ xi³ si¹me³con³ son³⁷nte³, tsin²-le⁴ cjoa⁴tjao²cha³-j²in² xi³ t⁷a³ts⁷e⁴ Ni³na¹. 16Je² nca³yi³je³ xi³ tj¹n¹ son³⁷nte³, je² cjoa⁴chi⁴nca⁴ xi³ tj¹n¹-le⁴ yao³-na¹, cao⁴ cjoa⁴chi⁴nca⁴ xi³ tj¹n¹-le⁴ xcoan³², cao⁴ cjoa⁴nc⁷a³ta³con² xi³ ts⁷e⁴ je² cjoa⁴vi³jna³chon³-na¹vi⁴, a³li² ts⁷e⁴ N⁷ai³-na¹, ts⁷e⁴ son³⁷nte³-vi⁴. 17Je² son³⁷nte³-vi⁴ fa³⁷a³to³-ni¹, cao⁴ nca³yi³je³ cjoa⁴chi⁴nca⁴-le⁴. To⁴nca³ je² xi³ si¹tjo³son² jo³ tso² Ni³na¹ ña³qui³ c⁷oa⁴-s⁷in² v⁷e²jna³ nca³ntsjai².

Je² co²ntran⁴-le⁴ Cristo

18²nti¹x³ti³, je³ti¹fe³t⁷a³ ni⁴chjin³. Cjoa⁴⁷ai¹ xi³ Cristo tso²-le⁴ yao³-le⁴, xi³ co²ntran⁴ coai⁴-le⁴, jo³-s⁷in² nca³ qui³no²⁷yao²³. Je³c⁷oa⁴-s⁷in² cji³ma³ nt⁷ai⁴-vi⁴, nca³ je³tjin¹ ncjin² xi³ Cristo tso²-le⁴ yao³-le⁴, xi³ co²ntran⁴ fi²-le⁴. C⁷oa⁴-s⁷in² ⁷ya³-nia¹ nca³ je³ti¹fe³t⁷a³ ni⁴chjin³.

19 Ji³tjo³sje³jín³-na¹, to⁴nca³ li²
tsan⁴²-jian² cho⁴ta⁴-ve⁴. Tsa²
tsan⁴² tsa²cai³, ña³qui³ i⁴-jin²
tsa³ca³tio²ntsjai²cao⁴-na¹ tsa²cai³.
Coi³ c⁷oa⁴-s⁷in² jí³tjo³sje³jín³-na¹,
nca³ c⁷oa⁴-s⁷in² coan⁴tsen³ nca³ li²
nca³ts⁷i³-jin² cho⁴ta⁴ tsan⁴². 20 C⁷oa⁴
tjin¹-no³ je² Espíritu Santo, xi³ je²
xi³ tsje³ qui³tsjoa³-no³ jo³-ni³ si²ti⁴
xi³ qui³no²njon³ yao³-no³. Ña³qui³
y²a³-nio¹³ jo³ tjin¹-ni³ cjoa⁴-vi⁴.
21 Li²coi³ c⁷oa⁴-s⁷in² qui³squi³-
no³ nca⁴ tsi² yao³ xi³ cjoa⁴qui²xi⁴,
to⁴nca³ qui³squi³-no³ nca⁴ je³⁷yao³
xi³ cjoa⁴qui²xi⁴, c⁷oa⁴ nca⁴ je³⁷yao³
nca³ nca³yi³je³ cjoa⁴nti³so³ li²coi³
ts⁷e⁴ xi³ cjoa⁴qui²xi⁴. 22 y²a¹-ni³ xi³
nti³so³. A³ tsi² tsa² je² xi³ tso² nca³
Jesús a³li² je² Cristo. Je²-vi⁴ nt⁷ai⁴ xi³
Cristo tso²-le⁴ yao³-le⁴, xi³ co²ntran⁴
fi²-le⁴. Je²-vi⁴ xi³ tso² nca³ je² N⁷ai³-
na¹ li²coi³ Ni³na¹, c⁷oa⁴ Jesús li²coi³
nti¹-le⁴. 23 To⁴⁷ya³-ni³ve⁴ xi³ tso² nca³
Jesús li²coi³ nti¹-le⁴ Ni³na¹, je²-vi⁴
c⁷oa⁴-ti⁴ tsin²-le⁴ N⁷ai³-na¹. To⁴⁷ya³-
ni³ve⁴ xi³ v⁷e¹tsen³ en¹ nca³ Jesús
nti¹-le⁴ Ni³na¹, je²-vi⁴ c⁷oa⁴-ti⁴ tjin¹-
le⁴ N⁷ai³-na¹. 24 Je² xi³ qui³no²⁷yao²³
sa³⁷nta³ nca³ coan³cjain¹ ti⁴tjon²-no³,
ca²ta³s⁷e³jín³-ta³con²³ nca³ntsjai².
Tsa² c⁷oa⁴-s⁷in² s⁷e³jín³-ta³con²³
nca³ntsjai² je² xi³ qui³no²⁷yao²³
sa³⁷nta³ nca³ coan³cjain¹ ti⁴tjon²-no³,
c⁷oa⁴-ti⁴ jon² coi⁴yo³cjao³ntsjaio²³
cao⁴ nti¹-le⁴ cao⁴ N⁷ai³-na¹. 25 Je²-
vi⁴ xi³ Ni³na¹ qui³tsjoa³-na¹ ts⁷oa³
nca³ tsjoa¹-na¹, je² cjoa⁴vi³jna³chon³
nca³ntsjai²-ve⁴. 26 C⁷oa⁴-s⁷in²
qui³squi³-no³ je² cjoa⁴-vi⁴ xi³ ts⁷e⁴ je²
xi³ jon² v⁷a³na⁴cha⁴-no³. 27 To⁴nca³
je² Espíritu Santo xi³ jon² qui³ts⁷ai²-
no³ jo³-ni³ si²ti⁴ xi³ qui³no²njon³
yao³-no³, ti¹jna³jín³ntsjai² ni⁴ma⁴-

no³. Li²⁷ya³ xi³ ma³chjen¹-no³ xi³
coi⁴tso⁴ya³-no³. Ti⁴je²-ni³ Espíritu
Santo xi³ tso²ya³-no³ nca³yi³je³ cjoa⁴.
Je² xi³ tjin¹-le⁴ cjoa⁴qui²xi⁴ li²coi³
nti³so³. Jo³-s⁷in² nca³ qui³tso²ya³-
no³, c⁷oa⁴-s⁷in² ti⁴yo³cjao³ntsjaio²³
cao⁴ Cristo. 28 Nt⁷ai⁴-vi⁴, nti¹xti³,
c⁷oa⁴-s⁷in² ti⁴yo³cjao³ntsjaio²³
cao⁴ Cristo, jme¹-ni³ nca³ nta³
n⁷ion¹t⁷a³ta³con²-si¹nia³² c⁷ia⁴ nca³
coan⁴tsen³ nqui²jncoc⁷a² nca³ je²,
c⁷oa⁴ jme¹-ni³ nca³ li²coi³ coan⁴soa³-
si¹ni³na¹ nqui³xcon⁴ nca³ je² c⁷ia⁴
nca³ cjoa⁴ai¹. 29 Tsa² y²a³-nio¹³ nca³
je² tjin¹-le⁴ cjoa⁴qui²xi⁴, c⁷oa⁴-ti⁴
ca²ta³⁷yao³ nca³ nca³ts⁷i³ cho⁴ta⁴ xi³
s⁷in¹ xi³ cjoa⁴qui²xi⁴, je²-vi⁴ qui³tsin³
xi³ t⁷a³ts⁷e⁴ Ni³na¹.

nti¹-le⁴ Ni³na¹ mi²-na¹

3 Ne² c⁷oa⁴tjin¹ cjoa⁴tjao²cha³ xi³
qui³tsjoa³-na¹ N⁷ai³-na¹, jme¹-
ni³ nca³ nti¹-le⁴ Ni³na¹ mi²-si¹ni³na¹.
Coi³ nca³ i⁴ son³⁷nte³ li²⁷ya³ xi³
ve³-na¹, nca³ tsi²coi³ tsa³ve³ Ni³na¹.
2 Jon² xi³ cjai¹nca³ tsjoa³que⁴-
no³, nt⁷ai⁴-vi⁴ nti¹-le⁴ Ni³na¹ nia¹
nca³ ña¹. Cje³-sa³ ma³tsen³-jin² jo³
coan⁴ cjoan³², to⁴nca³ y²a³-nia¹ c⁷ia⁴
nca³ coan⁴tsen³ nca³ je², c⁷oa⁴-ti⁴
c⁷oa⁴coan⁴ cjoan³² jo³ cjoan³ nca³ je²,
nca⁴ c⁷oa⁴-s⁷in² jcha⁴² jo³ cjoan³ nca³
je². 3 Nca³ts⁷i³ xi³ tjin¹-le⁴ cjoa⁴tsjoa³
nca³ sco¹ya³-le⁴ nca³ je², coan⁴tsje³
ni⁴ma⁴-le⁴ jo³-s⁷in² tsje³ cjoan³ nca³
je². 4 Nca³ts⁷i³ xi³ je¹ ma³jnqui³,
fa³⁷a³to³ntjai²-le⁴ cjoa⁴te¹xo³ma³.
Je² xi³ je¹ mi² xi³ fa³⁷a³to³ntjai²-le⁴
cjoa⁴te¹xo³ma³. 5 y²a³-nio¹³ nca³ coi³
cjoa⁴ coan³tsen³-ni³ Cristo, jme¹-
ni³ nca³ cjoa⁴⁷a²xin²-si¹ni³ je¹-na¹.
Tsin²-le⁴ je¹-jin² nca³ je². 6 To⁴⁷ya³-
ni³ xi³ ti¹jna³cao⁴ Cristo nca³ntsjai²,

li²coi³ ma³jnqui³ je¹. To⁴⁷ya³-ni³ve⁴
xi³ ma³jnqui³ je¹, li²coi³ tsa³ve³
Cristo, ni⁴ tsa³ve³xcon³-jin² Cristo.
⁷nti¹xti³, a³li² v²ai²⁷nte³-jion² nca³
⁷ya³ xi³ jon² v²a³na⁴cha⁴-no³. Je²
xi³ s²in¹ xi³ cjoa⁴qui²xi⁴, cjai¹nca³
tjin¹-le⁴ cjoa⁴qui²xi⁴, jo³-s²in² nca³
Cristo c²oa⁴-ti⁴ tjin¹-le⁴ cjoa⁴qui²xi⁴.
⁸Je² xi³ ma³jnqui³ je¹, ts²e⁴ nai⁴²,
nca⁴ je² nai⁴² ma³jnqui³ je¹ jo³
sa³⁷nta³ nca³ to²ts²in³-le⁴ cjoa⁴. Coi³
nca³ ts²a³tsen³-ni³ ⁷nti¹-le⁴ Ni³na¹,
jme¹-ni³ nca³ si⁴²qui³xo¹ya³-si¹ni³
xa¹-le⁴ nai⁴². ⁹Nca³ts²i³ xi³ qui³tsin³
xi³ t²a³ts²e⁴ Ni³na¹, li²coi³ je¹
ma³jnqui³, nca⁴ je² ntje⁴-le⁴ Ni³na¹
ti¹jna³jin³ntsai² ni⁴ma⁴-le⁴. A³li²coi³
ma³-le⁴ ma³jnqui³ je¹, nca⁴ qui³tsin³
xi³ t²a³ts²e⁴ Ni³na¹. ¹⁰C²oi⁴-s²in²
⁷ya³-ni³le⁴ je² xi³ ⁷nti¹-le⁴ Ni³na¹,
c²oa⁴ je² xi³ ⁷nti¹-le⁴ nai⁴². Nca³ts²i³
xi³ tsi² cjoa⁴qui²xi⁴ xi³ s²in¹, xi³ tsi²
tjao²que³ nts²e⁴, a³li² ts²e⁴ Ni³na¹-jin².
¹¹Je² cjoa⁴qui²xi⁴ xi³ qui³no²⁷yao²³
sa³⁷nta³ nca³ coan³cjai¹ ti¹tjon²-
no³, nca³ tjao²cha³ coan⁴² xi²nquia⁴².
¹²A³li²coi³ c²oa⁴n⁷iaon²³ jo³-ni³
Caín xi³ ts²e⁴ nai⁴², xi³ qui³si³c²en³
nts²e⁴. A¹-ni³ nca³ qui³si³c²en³-
si¹ni³. A³ tsi² coi³ nca³ tsi² nta³
xa¹-le⁴, c²oa⁴ je² xa¹-le⁴ nts²e⁴
tjin¹-le⁴ cjoa⁴qui²xi⁴. ¹³Nca³ts²io³
⁷nti¹nts²e³, a³li² ma³xcon¹-jin²no³
tsa² cho⁴ta⁴son³⁷nte³ ch²ao³que³-no³.
¹⁴C²oi⁴-s²in² ⁷ya³² nca³ ji³tja³toa³²
ni⁴chjin³-le⁴ cjoa⁴te¹xo³ma³-
le⁴ cjoa⁴vi³ya³, c²oa⁴ ji³tja³s²en³²
ni⁴chjin³-le⁴ cjoa⁴te¹xo³ma³-le⁴
cjoa⁴vi³jna³chon³ nca³ntsai², nca⁴
c²oa⁴-s²in² tjao²cha³² nts²e³². Je²
xi³ tsi² tjao²que³ nts²e⁴ cjoa⁴vi³ya³
ti¹jna³nqui³ntsai². ¹⁵To⁴⁷ya³-
ni³ve⁴ xi³ ch²ao³que³ nts²e⁴, je²

jo³-ni³ tsa² xi³ c²en³ si¹c²en³. ⁷ya³-
nio¹³ nca³ je² xi³ c²en³ si¹c²en³,
je² cjoa⁴vi³jna³chon³ nca³ntsai²-
ve⁴ a³li²coi³ ti¹jna³jin³ ni⁴ma⁴-le⁴.
¹⁶C²oi⁴-s²in² coan³cho⁴ya³-na¹ je²
xi³ cjoa⁴tjao²cha³ ⁷mi², nca³ Cristo
qui³tsjao³ yao³-le⁴ cao⁴ njin¹-
le⁴ xi³ t²a³tsan⁴². C²oi⁴-ti⁴ ña¹-je⁴
ma³chjen¹-na¹ nca³ c²oi⁴t²a³² yao³-
na¹ cao⁴ njin¹-na¹ xi³ t²a³ts²e⁴ nts²e³².
¹⁷To⁴nca³ je² xi³ tjin¹-le⁴ nca³yi³je³
xi³ ma³chjen¹-le⁴ xi³ ts²e⁴ son³⁷nte³,
c²oa⁴ scoe⁴ jnco³ nts²e⁴ xi³ tsin²-le⁴
xi³ ma³chjen¹-le⁴, c²oa⁴ c²oe⁴²chjoa²-
le⁴ ni⁴ma⁴-le⁴, a³ ti¹jna³jin³ntsai²
ni⁴ma⁴-le⁴ cjoa⁴tjao²cha³-le⁴ Ni³na¹.
¹⁸Nca³ts²io³ ⁷nti¹xti³-na⁴, ña³qui³
nta³ tjao²cha³ ca²ta³ma³² xi²nquia⁴².
A³li² to⁴⁷en¹ coi⁴no²cjoa⁴², to⁴nca³
je² cjoa⁴tjao²cha³ xi³ cjoa⁴qui²xi⁴
xi³ s²ian⁴². ¹⁹C²oi⁴-s²in² ⁷ya³-nia¹
nca³ ña¹-vi⁴ ts²e⁴ xi³ cjoa⁴qui²xi⁴,
c²oa⁴ n⁷ion¹ nta³ ti¹jna³ ni⁴ma⁴-na¹
nqui³xcon⁴ nca³ je². ²⁰Tsa² ni⁴ma⁴-
na¹ va¹nqui³-na¹, nqui²sa⁴ nc²a³
ti¹jna³ Ni³na¹ cao⁴-ni³ tsa² ni⁴ma⁴-
na¹. Je² ña³qui³ ve³ nca³yi³je³ cjoa⁴.
²¹Jon² xi³ cjai¹nca³ tsjao³que⁴-no³,
tsa² ni⁴ma⁴-na¹ li²coi³ va¹nqui³-na¹,
nta³ n⁷ion¹t²a³ta³coan³² nqui³xcon⁴
Ni³na¹. ²²To⁴jme³-ni³ xi³ ni²je¹-le⁴²,
je² tsjao¹-na¹, nca³ ni²cji³tjo³soan²
cjoa⁴te¹xo³ma³-le⁴, c²oa⁴ nca³yi³je³
cjoa⁴ xi³ sa³sen¹con³ nca³ je²
c²oa⁴n⁷ian² nqui³xcon⁴. ²³Je²-vi⁴ xi³
cjoa⁴te¹xo³ma³-le⁴: Ca²ta³ma³cjai¹-
na¹ t²a³ts²e⁴ jan³⁷ain¹-le⁴ ⁷nti¹-le⁴
Ni³na¹, Jesucristo, c²oa⁴ tjao²cha³
ca²ta³ma³² xi²nquia⁴², jo³-s²in²
tsa³ca³te¹xo³ma³-na¹ nca³ je². ²⁴Je²
xi³ si¹cji³tjo³son² cjoa⁴te¹xo³ma³-
le⁴, ti¹jna³cao⁴ Ni³na¹, c²oa⁴ Ni³na¹
ti¹jna³cao⁴ nca³ je². C²oi⁴-s²in²

⁷ya³nia¹ nca³ Ni³na¹ ti¹jna³j³in³ntsjai²
ni⁴ma⁴-na¹, nca⁴ qui³tsjoa³-na¹ je²
Espíritu Santo.

Je² Espíritu Santo xi³ ts²e⁴ Ni³na¹, c⁷oa⁴
je² espíritu xi³ co²ntran⁴ fi²-le⁴ Cristo

4 Jon² xi³ tsjoa³que⁴-no³, a³li²
ma³cjain¹-jin²no³ nca³ts²i³
espíritu, to⁴nca³ cho¹t²a³-nio¹³ tsa²
ts²e⁴ Ni³na¹ espíritu-ve⁴. Cjai¹nca³
to⁴ncjin² cho⁴ta⁴ xi³ cjoa⁴nti³so³
nchja⁴ya³, xi³ si¹ma³son² son³⁷nte³.
²C⁷oi⁴-s⁷in² ²ya³-nio¹³ je² Espíritu
Santo xi³ ts²e⁴ Ni³na¹: Nca³ts²i³
espíritu xi³ v²e¹tsen³ en¹ nca³
Jesucristo ja³⁷ai³ cao⁴ yao³-le⁴,
je²-vi⁴ xi³ ts²e⁴ Ni³na¹. ³Nca³ts²i³
espíritu xi³ tsi² tsa² v²e¹tsen³ en¹
nca³ Jesucristo ja³⁷ai³ cao⁴ yao³-le⁴,
a³li² ts²e⁴ Ni³na¹-jin². Je²-vi⁴ nt²ai⁴
je² espíritu xi³ Cristo tso²-le⁴ yao³-
le⁴, xi³ co²ntran⁴ fi²-le⁴. C⁷oa⁴-s⁷in²
qui³no²⁷yao²³ nca³ cjoa⁴⁷ai¹, c⁷oa⁴
nt²ai⁴-vi⁴ je³ti¹jna³ i⁴ son³⁷nte³-vi⁴.
⁴Jon² nio¹³, ⁷nti¹x³ti³-na⁴, ts²e⁴ Ni³na¹
nio¹³, c⁷oa⁴ qui³ni²qui³njen³-lao⁴³ je²
xi³ nchja⁴ya³ cjoa⁴nti³so³, nca⁴ je²
xi³ ti¹jna³j³in³ ni⁴ma⁴-no³ nqui²sa⁴
nc²a³ ti¹jna³ cao⁴-ni³ tsa² je² nai⁴²
xi³ tso²⁷va³ i⁴ son³⁷nte³-vi⁴. ⁵Je² xi³
nchja⁴ya³ cjoa⁴nti³so³, ts²e⁴ son³⁷nte³
ni¹. Coi³ nchja⁴-ni¹ xi³ ts²e⁴ son³⁷nte³,
c⁷oa⁴ je² son³⁷nte³ nch⁷oe¹-le⁴ nca³
je². ⁶To⁴nca³ ña¹ ts²e⁴ Ni³na¹ nia¹. Je²
xi³ ña³qui³ nta³ ve³ Ni³na¹, nch⁷oe¹-
na¹. Je² xi³ tsi² ts²e⁴ Ni³na¹, li²coi³
nch⁷oe¹-na¹. Coi³ cjoa⁴ nca³ ⁷ya³-nia¹
je² espíritu xi³ cjoa⁴qui²xi⁴ c⁷oa⁴ je²
espíritu xi³ nti³so³.

Je² Ni³na¹ xi³ cjoa⁴tjao²cha³

⁷Jon² xi³ cjai¹nca³ tsjoa³que⁴-
no³, c⁷oa⁴-s⁷in² tjao²cha³ ca²ta³ma³²

xi²nquia⁴², nca⁴ je² xi³ cjoa⁴tjao²cha³
⁷mi² ts²e⁴ Ni³na¹. To⁴⁷ya³-ni³ve⁴
xi³ tjao²que³, je² xi³ qui³tsin³
t²a³ts²e⁴ Ni³na¹, c⁷oa⁴ ña³qui³ nta³
ve³ Ni³na¹. ⁸Je² xi³ tsi² tjao²que³,
ni⁴c⁷ia³-jin² tsa³ve³ Ni³na¹. Je²
Ni³na¹ xi³ cjoa⁴tjao²cha³. ⁹C⁷oa⁴-
s⁷in² coan³cho⁴ya³-le⁴ ni⁴ma⁴-na¹
jo³-s⁷in² nca³ Ni³na¹ tjao²que³-na¹,
nca⁴ qui³si³ca³sen¹ i⁴ son³⁷nte³-
vi⁴ je² ⁷nti¹-le⁴ xi³ to⁴jnc³ ma³-ni³,
jme¹-ni³ nca³ coi⁴yo³chon³-si¹nia¹
xi³ to⁴t²a³ts²e⁴. ¹⁰C⁷oi⁴-s⁷in² tjin¹ xi³
cjoa⁴tjao²cha³: A³li² coi³-jin² nca³ ña¹
xi³ coan³tsjoa³cha³² Ni³na¹, to⁴nca³
je² Ni³na¹ xi³ coan³tsjoa³que³-na¹
nca³ ña¹. Qui³si³ca³sen¹ ⁷nti¹-le⁴
xi³ je¹ntjai²-na¹ coan³-le⁴. ¹¹Jon²
xi³ tsjoa³que⁴-no³, tsa² Ni³na¹
c⁷oa⁴-s⁷in² coan³tsjoa³que³-na¹,
c⁷oa⁴-ti⁴ ma³chjen¹-na¹ nca³ ña¹
nca³ tjao²cha³ coan⁴² xi²nquia⁴².
¹²Ni⁴⁷ya³-jin² xi³ qui³sco²tsen³-
le⁴ Ni³na¹. Tsa² tjao²cha³ coan⁴²
xi²nquia⁴², Ni³na¹ ti¹jna³j³in³ntsjai²
ni⁴ma⁴-na¹, c⁷oa⁴ cjoa⁴tjao²cha³-le⁴
ña³qui³ coan³jnc³j³in³ ni⁴ma⁴-
na¹. ¹³C⁷oa⁴-s⁷in² ⁷ya³-nia¹ nca³
ti³yo³coa⁴² nca³ je², c⁷oa⁴ je²
ti¹jna³cao⁴-na¹ nca³ ña¹, nca⁴
qui³tsjoa³-na¹ je² Espíritu Santo-le⁴.
¹⁴C⁷oa⁴ jin⁴-jin⁴ qui³cho²tsen³-
ni¹⁴j⁴in⁴, c⁷oa⁴ testigo mai³⁴-jin⁴
nca³ v²ai²⁴-jin⁴ en¹ nca³ N⁷ai³-na¹
qui³si³ca³sen¹ ⁷nti¹-le⁴, nca³ je² xi³
v²a³se³ntjai² son³⁷nte³. ¹⁵To⁴⁷ya³-
ni³ve⁴ xi³ v²e¹tsen³ en¹ nca³ Jesús
je² ⁷nti¹-le⁴ Ni³na¹, Ni³na¹ ti¹jna³cao⁴
nca³ je², c⁷oa⁴ je² ti¹jna³cao⁴
Ni³na¹. ¹⁶Ña¹ tsa³⁷ya³-nia¹ c⁷oa⁴
coan³cjain¹-na¹ nca³ tjao²que³-na¹
Ni³na¹. Je² Ni³na¹ xi³ cjoa⁴tjao²cha³.
C⁷oa⁴ to⁴⁷ya³-ni³ xi³ tjin¹ntsjai²-le⁴

cjoa⁴tjao²cha³, ti¹jna³cao⁴ Ni³na¹,
 c²oa⁴ Ni³na¹ ti¹jna³cao⁴ nca³ je².
 17 C²oa⁴-s⁷in² ma³jnc³j³in³-na¹
 cjoa⁴tjao²cha³, jme¹-ni³ nca³ s⁷e⁴-
 si¹ni³na¹ cjoa⁴n⁷ion¹ta³con² c⁷ia⁴
 ni⁴ch³j³in³ nca³ s⁷e⁴nta³j³in³ cjoa⁴.
 Jo³-s⁷in² cjoan³ nca³ je², c²oa⁴-s⁷in²
 cjoan³² nca³ ña¹ i⁴ son³⁷nte³-vi⁴.
 18 A³li² cjoa⁴jcon³-jin² tj¹in¹ c⁷ia⁴
 nca³ tjao²cha³² xi²nquia⁴². C⁷ia⁴
 nca³ ña³qui³ cjoa⁴qui²xi⁴ tjao²cha³²,
 tjo¹xin²-na¹ cjoa⁴jcon³-ve⁴. Xi³
 cjoa⁴jcon³-ve⁴ tj¹in¹-le⁴ cjoa⁴n⁷ain³. Je²
 xi³ tsa³cjon³ a³li²coi³ coan³jnc³j³in³-
 le⁴ cjoa⁴tjao²cha³. 19 Ña¹ cjai¹nca³
 tjao²cha³² Ni³na¹, nca⁴ je² tjao²que³
 coan³-na¹ nca³ ti¹tjon². 20 Tsa² jnc³
 xi³ c²oa⁴tso²: An³ cjai¹nca³ tjao²que⁴
 Ni³na¹, to⁴nca³ ch⁷ao³ ve³ nts⁷e⁴,
 nti³so³ ni¹. Je² xi³ nts⁷e⁴ tsa³ve³-
 ni³ xcon⁴, c²oa⁴ tsi² tjao²que³ nts⁷e⁴,
 jo¹-s⁷in² coan⁴-ni³ nca³ tjao²que³
 coan⁴-ni³ Ni³na¹, xi³ tsi² tsa² tsa³ve³-
 ni³ xcon⁴. 21 Je²-vi⁴ cjoa⁴te¹xo³ma³
 xi³ Ni³na¹ qui³tsjoa³-na¹: Je² xi³
 tjao²que³ Ni³na¹, c²oa⁴-ti⁴ ma³chjen¹
 nca³ tjao²que³ nts⁷e⁴.

Ni²qui³njen³-le⁴² son³⁷nte³
 nca⁴ ma³cjain¹-na¹

5 Nca³ts⁷i³ xi³ ma³cjain¹-le⁴
 nca³ Jesús je² Cristo, je²-vi⁴
 qui³tsin³ t⁷a³ts⁷e⁴ Ni³na¹. To⁴ya³-
 ni³ve⁴ xi³ tjao²que³ xi³jcha¹-le⁴
 c²oa⁴-ti⁴ tjao²que³ nca³ts⁷i³ xi³
 qui³tsin³ t⁷a³ts⁷e⁴. 2 C²oi⁴-s⁷in² ya³-
 nia¹ nca³ tjao²cha³² nti¹-le⁴ Ni³na¹,
 c⁷ia⁴ nca³ tjao²cha³² Ni³na¹, c²oa⁴
 ni²cji³tjo³soan² cjoa⁴te¹xo³ma³-le⁴.
 3 C²oa⁴-s⁷in² tjao²cha³² Ni³na¹, nca³
 ni²cji³tjo³soan² cjoa⁴te¹xo³ma³-le⁴.
 Je² cjoa⁴te¹xo³ma³-le⁴ a³li² ñain³-
 jin² tj¹in¹. 4 Je² nca³ts⁷i³ xi³ qui³tsin³

t⁷a³ts⁷e⁴ Ni³na¹, si¹qui³njen³-
 le⁴ son³⁷nte³-vi⁴. Coi³ cjoa⁴ nca³
 ni²qui³njen³-le⁴² son³⁷nte³-vi⁴,
 nca⁴ ma³cjain¹-na¹. 5 ya³-ni³ xi³
 si¹qui³njen³ son³⁷nte³-vi⁴. A³ tsi² tsa²
 je² xi³ ma³cjain¹-le⁴ nca³ Jesús je²
 nti¹-le⁴ Ni³na¹.

Je² Espíritu Santo xi³ si¹qui²xi⁴ya³ en¹

6 Je² Jesucristo ja³⁷ai³-ni³ cao⁴
 na³nta¹ cao⁴ njin¹. A³li² tsa² to⁴cao⁴
 na³nta¹-jin² ja³⁷ai³-ni³, to⁴nca³ cao⁴
 na³nta¹ cao⁴ njin¹. C²oa⁴ je² Espíritu
 Santo xi³ si¹qui²xi⁴ya³ en¹, nca⁴ je²
 Espíritu Santo je² xi³ cjoa⁴qui²xi⁴.
 7 Jan² ma³-ni³ xi³ si¹qui²xi⁴ya³ en¹
 ya⁴ nc⁷a³jmi³, je² N⁷ai³-na¹, je² en¹
 xi³ ti⁴je²-ni³ Cristo, cao⁴ je² Espíritu
 Santo. To⁴ña³qui³ jnc³ ma³ nca³
 jan²-ve⁴. 8 C²oa⁴-ti⁴ jan² ma³-ni³
 xi³ si¹qui²xi⁴ya³ en¹ i⁴ son³⁷nte³-
 vi⁴, je² Espíritu, je² na³nta¹, cao⁴
 njin¹. Je² nca³ jan²-vi⁴ ma³nco¹son²
 en¹-le⁴. 9 Tsa² c²oa⁴-s⁷in² chjoe¹ en¹
 xi³ si¹qui²xi⁴ya³ cho⁴ta⁴son³⁷nte³-
 vi⁴, je² en¹ xi³ si¹qui²xi⁴ya³ Ni³na¹
 nqui²sa⁴ nta³ tj¹in¹. Je²-vi⁴ xi³ en¹-
 le⁴ Ni³na¹ xi³ qui³si³qui²xi⁴ya³ xi³
 t⁷a³ts⁷e⁴ nti¹-le⁴. 10 Je² xi³ ma³cjain¹-
 le⁴ t⁷a³ts⁷e⁴ nti¹-le⁴ Ni³na¹, je² cjoa⁴
 xi³ qui³ni²qui²xi⁴ya³ ti¹jna³j³in³
 ni⁴ma⁴-le⁴. Je² xi³ tsi² ma³cjain¹-le⁴
 t⁷a³ts⁷e⁴ Ni³na¹, tsa³c²a³sje³ nti³so³
 Ni³na¹, nca³ tsi²coi³ coan³cjain¹-le⁴
 je² en¹ xi³ Ni³na¹ qui³si³qui²xi⁴ya³ xi³
 t⁷a³ts⁷e⁴ nti¹-le⁴. 11 Je²-vi⁴ xi³ en¹-
 le⁴: Nca³ Ni³na¹ qui³tsjoa³-na¹ je²
 cjoa⁴vi³jna³chon³ nca³ntsjai²-ve⁴, c²oa⁴
 je² cjoa⁴vi³jna³chon³-vi⁴ ti¹jna³j³in³ je²
 nti¹-le⁴. 12 Je² xi³ tj¹in¹-le⁴ je² nti¹-le⁴,
 c²oa⁴-ti⁴ tj¹in¹-le⁴ je² cjoa⁴vi³jna³chon³-
 vi⁴. Je² xi³ tsin²-le⁴ nti¹-le⁴ Ni³na¹,
 tsin²-le⁴ je² cjoa⁴vi³jna³chon³-vi⁴.

Jo³-s⁷in² nca³ ʔya³² jña³-le⁴ xi³
cjoa⁴vi³jna³chon³ nca³ntsjai²

13 Je² nca³yi³je³ cjoa⁴-vi⁴ qui³squi³-
no³ nca³ jon² xi³ ma³cjain¹-no³
xi³ t⁷a³ts⁷e⁴ jan³⁷ain¹-le⁴ ʔnti¹-le⁴
Ni³na¹, jme¹-ni³ nca³ jcha⁴-si¹nio³
nca³ tjin¹-no³ je² cjoa⁴vi³jna³chon³
nca³ntsjai²-vi⁴, c⁷oa⁴ jme¹-ni³
nca³ coan⁴cjain¹ntsjai²-si¹ni³no³
t⁷a³ts⁷e⁴ jan³⁷ain¹-le⁴ ʔnti¹-le⁴ Ni³na¹.
14 C⁷oa⁴-s⁷in² n⁷ion¹t⁷a³ta³coan³²
nt⁷ai⁴ nqui³xcon⁴ nca³ je². Tsa²
ni²je¹ to⁴jme³-ni³ cjoa⁴ jo³-s⁷in²
me³-le⁴ nca³ je², je² nch⁷oe¹-na¹.
15 C⁷oa⁴ tsa² ʔya³² nca³ je² nch⁷oe¹-
na¹, to⁴jme³-ni³ cjoa⁴ xi³ ni²je¹-le⁴²,
ʔya³-nia¹ nca³ tjin¹-na¹ je² cjoa⁴ xi³
qui³ni²je¹-le⁴². 16 Tsa² jnco³ xi³ scoe⁴
nca³ nts⁷e⁴ ti¹va³jnqui³ je¹, a³li² tsa²
je² je¹ xi³ va³quin²-le⁴ cjoa⁴vi³ya³,
si⁴²je¹ t⁷a³ts⁷e⁴ nts⁷e⁴, c⁷oa⁴ c⁷oi⁴-
le⁴ cjoa⁴vi³jna³chon³, tsa² je² je¹
xi³ ma³jnqui³ tsi² va³quin²-le⁴

cjoa⁴vi³ya³. Tjin¹ je¹ xi³ va³quin²-le⁴
cjoa⁴vi³ya³. A³li²coi³ c⁷oa⁴xian³ nca³
c⁷oe⁴²ts⁷oa³ ja⁴⁷t⁷a³ts⁷e⁴ je² je¹-vi⁴.
17 Nca³yi³je³ xi³ li²coi³ nta³ tjin¹, je¹
ni¹, to⁴nca³ tjin¹ je¹ xi³ tsi² va³quin²-
le⁴ cjoa⁴vi³ya³. 18 ʔya³-nia¹ nca³
nca³ts⁷i³ xi³ qui³tsin³ t⁷a³ts⁷e⁴ Ni³na¹,
a³li²coi³ je¹ ma³jnqui³. To⁴nca³ je²
xi³ qui³tsin³ t⁷a³ts⁷e⁴ Ni³na¹, je²
Jesucristo si¹coi²nta⁴ nca³ je², c⁷oa⁴
je² nai² li²coi³ tsoa⁴. 19 ʔya³-nia¹
nca³ ña⁴ ts⁷e⁴ Ni³na¹ nia¹, c⁷oa⁴ i⁴
nca³qui³jnta² son³⁷nte³-vi⁴ ti¹jna³cao⁴
nai⁴². 20 ʔya³-nia¹ nca³ je² ʔnti¹-le⁴
Ni³na¹ ja³⁷ai³-ni¹. Qui³si³cho⁴ya³-
na¹ jme¹-ni³ nca³ jcha⁴-si¹nia³² je²
xi³ ña³qui³ cjoa⁴qui²xi⁴. Ti³yo³coa⁴²
nca³ je² xi³ ña³qui³ cjoa⁴qui²xi⁴, xi³
Jesucristo je² ʔnti¹-le⁴. Je²-vi⁴ xi³
Ni³na¹ cjoa⁴qui²xi⁴, c⁷oa⁴ je²-vi⁴ xi³
cjoa⁴vi³jna³chon³ nca³ntsjai²-ve⁴.
21 ʔnti¹x⁷ti³-na⁴, chja⁴⁷a²xin²-lao⁴³
yao³-no³ nca³yi³je³ xi³ xco¹son²
cjoan³. C⁷oa⁴ ca²ta³ma³.